

**S**diemandes vmb Mühlstedte bey vnserm Bergt-  
meister / zuuorleihē mit muthung ansuchung thun  
wirdet / sol er die an enden das den vorigen alden /  
vnd gangkhafftigen gebeuden vnd mühlen / nicht vor-  
hinderlich ist / vorleyhen / vnd zehen groschen lehengelt /  
von einer mühlstedt nemen.

## Die Seiffener vnd Mublerbeiter belangent.

**S**ie selben sollen alle Montag vmb neun oder zehen  
hor / zu ihrer erbeit auffm waldt gehen / den tagk  
aus / vnd die folgende tag alle dinstags / mitwoch  
donerstags vnd freitags alle tag / von auffgang bis wi-  
der zu niedergang der Sonnen anfahren / vnd ihre schicht  
treulichē / vns vnd den gewercken zu gut verfahren / auff  
den Sonnabend / wider ihrem abgang / vmb zehen hor  
nemen.

## Schichtmeister / Steiger / Mühlmeister vnd schmeltzer belangende.

**E**s sollen kein Schichtmeister / Steiger / Mühlmei-  
ster / nach Schmeltzer / anders dan die vorstendig  
geacht / angenommen nach zugelassen werdē / welche  
vestiglich sollen voraidet / vns vñ den gewercken getreue  
zusein / vnser vnd der gewercken sachen / nützlich vñ treu-  
lich nach höchsten vermügen zuhandeln / Der Schicht  
meister sol auch / den ordentlichen vnd wochentlichen  
anschnitt vor vnserm Bergtmeister / vnd geschwornen  
E ij halten